

(<https://news.usm.my>)

Berita Mutakhir

04 KPTN ZON UTARA MERIAH SEKALI MAR



USM, PULAU PINANG, 4 Mac 2017 - Karnival Pendidikan Tinggi Negara (KPTN) Zon Utara di Universiti Sains Malaysia (USM), Pulau Pinang berlangsung dengan meriah sekali dengan lebih 110 pempamer daripada 20 Universiti Awam, 47 Universiti Swasta, 43 Agensi serta tiga Politeknik dan 19 Kolej Komuniti.

Menurut Pengarah Bahagian Pengurusan Kemasukan Pelajar, Kementerian Pendidikan Tinggi, Mazula Sabudin, dianggarkan seramai 60,000 pelajar dari Pulau Pinang, Kedah, Perak dan Perlis akan bersama-sama melawat pameran-pameran yang disediakan.



"Para pelajar lepasan SPM/STPM boleh mendapat khidmat nasihat untuk memilih kursus dan bidang yang bersesuaian dengan keputusan masing-masing. Karnival kali ini juga menyediakan kemudahan bagi pembelian pin UPU dan permohonan atas talian serta boleh mengisi borang yang telah disediakan.

"Pihak kami juga telah bekerjasama dengan Jabatan Pendidikan Negeri (JPN) di zon utara untuk membawa pelajar terutamanya di tingkatan 4 dan 5 setiap sekolah di negeri ini ke karnival ini," tambah Mazula ketika ditemui di majlis perasmian KPTN Zon Utara hari ini.





"Karnival ini sangat holistik dan diharapkan pelajar yang hadir pada karnival dua hari ini dapat mengambil peluang dan manfaat yang berfaedah dari semua pempamer yang mengambil bahagian."

Pada tahun ini, acara tahunan Jabatan Pendidikan Tinggi (JPT), KPT ini dijenamakan sebagai Jom Masuk IPT serta akan berlangsung di tujuh zon merangkumi Timur, Selatan, Tengah serta Sabah dan Sarawak.

Teks: Ruziatun Amirah Ismail (Pelajar internship PP Komunikasi USM)

Suntingan: Marziana Mohamed Alias & Nor Rafizah Md. Zain



Share This

Pusat Media dan Perhubungan Awam / Media and Public Relations Centre

Level 1, Building E42, Chancellery II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015